

Politika zo vorhüata kontra dar koruptziong vodar autonome Provìntz vo Tria

Policy nå in sèll boda auzmacht dar punkt 5.2 vodar nòrm UNI ISO 37001

(artìkl 5 von draidjarege Plån zo vorhüata kontra dar koruptziong un vor di durchsenghait 2023-2025 vodar autonome Provìntz vo Tria)

“Nå in natzionàln un internatzionàln gesetz un darzuar, nå in sèll boda azumacht dar draidjarege Plån zo vorhüata kontra dar koruptziong un vor di durchsenghait vodar autonome Provìntz vo Tria un nå in kòditze bia ma mochtze vorhaltn ågenump pittar delibera vodar provintziàl Djunta n 1217 von 18 höbiat 2014 di Provìntz gitt nèt zuar in khummana manìara di koruptziong.

Übarhaup vor bazta ågeat dar arbat – vo haüt odar boda magat soìn gemacht in an tage – vo disan Àmt un vor allz daz sèll boda magat ågian in Àmt sèlbart, berda macht Politika mocht nia, in khummana manìara, tüan eppaz boma magat machan vorstian ke 'z nützt in potér boden iz khent zuargètt, zo haba garade odar ungarade, bobrall boz iz, eppaz nützlich vor iz sèlbart (saiz vo gèlt, saiz åndarz) un allz ummaz mochtz nèt:

- Opfarn, vorhoazan, gem, zaln, zuargem in an åndarz zo geba odar z'zala garade odar ungarade, guatz boda nèt zuarsteat, nützliche geplètra vo aniaglan vèrt odar åndre nütze, nèt ekonomische o, in an åndarz mensch (saiz az saibe an Öffentlesche Vortretar, odar geschafft vor an Öffentlesche Dienst odar no, a privàtt) zo schupfaz, odar azpe prais, zo tüana odar nèt zo tüana eppaz boda ågeat soinar arbat, un macht nicht auz dar platz boda dise sachandarn khemmen gètt odar geopfart un macht nicht auz o boda dise laüt boda vånge ditza geplètra vüarn vür soi arbat;
- vorsan odar nemmen, garade odar ungarade, odar zuargem in an åndarn mensch zo vorsa odar zo nemma, garade odar ungarade, guatz boda nèt zuarsteat, nützliche geplètra vo aniaglan vèrt odar åndre nütze, nèt ekonomische o, in an åndarz mensch (saiz az saibe an Öffentlesche Vortretar, odar geschafft vor an Öffentlesche Dienst odar no a privàtt) zo schupfaz, odar azpe prais, zo tüana odar nèt zo tüana eppaz boda ågeat soinar arbat, un macht nicht auz dar platz boda dise sachandarn khemmen gètt odar geopfart un macht nicht auz o boda dise laüt boda vånge ditza geplètra vüarn vür soi arbat;

Darzuar soinda verbotet alle di sèlln sachandarn boda soìn pezzar khött in draidjarege Plån zo vorhüata kontra dar koruptziong un vor di durchsenghait vodar

autonome Provìntz vo Tria un in Kòditze bia ma mochtze vorhaltn.

Gian kontra in regln boda soin khött in disa Policy, darzuar in gian kontra in draidjarege Plån un in Kòditze bia ma mochtze vorhaltn, mage vüarn da autonome Provìntz vo Tria sèlbart un di gesèllschaft bese hatt untar, z'soina gestrafft, un o darzuar machatz an groazan schade vor da hoach schetzung boda hatt di Provìntz.

Nå in printzipio “zero tolerance”, da autonome Provìntz vo Tria gitt nèt zuar etschetzungen in sèll boda schafft un boda verbotet disa Policy. Ma halteta zo khöda ke arbatn vor daz guat vodar Provìntz gitt nèt zuar in khummana manìara vürzovüarase kontra in printzipie boda khemmen khött da obar.

Da autonome Provìntz vo Tria schupft alle di ågestèllte zoa azta aniagladar zbaiflar saibe lai khött bahème in soin garadege obar vüarar. Da autonome Provìntz vo Tria vorsichart ke khummdar ågestèllte bart soin gestrafft, vortgeschikht, gemindart, auzgesetz, geschikht aftna åndra sait odar diskriminart azzarse nèt iz gelatt konvintzart zo tüana letzez, siånka azta vor ditza magata auvalln vor di Provìntz sèlbart zo haba an schade vo gèlt odar vo åndarz, un njånka azzar hettat gemeldet sachandarn boda soin khent getånt kontra in nòrmen zo vorhüata kontra dar koruptziong odar dar Policy.

Da “bestimmung funktziong zo vorhüata kontra dar koruptziong” khött aftn punkt 5.3.2 vodar nòrm UNI ISO 37001 iz zuargètt, drinn in da provintziål organizatziong boda mocht drauschaung zo vorhüata kontra dar koruptziong un vor di durchsenghait vodar autonome Provìntz vo Tria boda hatt di autoritét un di autonomì boda soin gevorst vodar nòrm. Übarhaup, vor bazta ågeat dar autoritét khöttma ke, azpe Vorvüarar zo vorhüata kontra dar koruptziong un vor di durchsenghait, 'z mensch boda iz khent darkhennt hatt genumma potér – zuargètt, saiz von direktif òrgan, da provintziål Djunta, saiz vodar hoach direktziong, dar djenerål Dirèktór – zo macha azpe 'z hatt z'soina di bestimmung funktziong boden iz khent geschafft. Vor bazta ågeat dar autonomì, khöttma ke 'z mensch boda iz khent darkhennt vor disa funktziong iz nèt inngevånk sèlbart in daz sèll boda tüat da autonome Provìntz vo Tria boda magat hãm an hoachan riskio vo koruptziong.

An lestn khöttma ke, da autonome Provìntz vo Tria lekkseda untar zo tüana allz bazta mocht khemmen getånt zo vorhüata kontra dar koruptziong un zo pezzra, nå un nå hërta mearar, bazta åsteat disan sachandarn, haltante kunt von sèll boda khint khött in draidjarege Plån zo vorhüata kontra dar koruptziong un di durchsenghait, von sèll boda auzmacht daz provitziål gesetz kontra dar koruptziong un di durchsenghait un darzuar drauschaung in di zait aftz allz daz sèll boda mocht khemmen getånt”.